

CHAMBAVE

Lé vatse i perdon pa lo nord

Pa fole lé vatse. Selón dé-z-étudjo fé pé dé tsertseur allemàn, lé-z-armaille ché beutton toudzor én dirèchón dou nord magné-teucco.

Pé arrevé a seutta drola dé conclujón, dé professeur dé l'Université dé *Duisberg - Essen* y an fé dé-z-osservachón dussù dé meulle é dé meulle dé foto prèize dou satélite *Google Earth*.

Én analizèn l'orientachón dé 8510 vatse dussù 308 post, on pou pa ché douté : lé-z-armaille, comèn lé-z-avoueuille, lé termite, lé rattevolatte é lé-z-uzé migrateur, y implèyon lo tsan magné-teucco dé la Tèra pé trové la dirèchón.

Seutta conclujón, i sarie pa si fola : pé ch'apersèivre dou magnétisme dé la Tèra i baste maque euna sémpla sellule qu'i coun-tignisse dé tséne dé calamite bièn pitchode qu'i fan arrevé lé-z-enformachón i servelle.

É, caze totte lé grose bétche, y an seutte sellule.

Lé tsertseur y an fé lé même osservachón dussù 2974 serf én République Tchèque.

Qué vantadzo y an sitte grosse bétche a être boun-e dé pa pèdre lo nord ?

On lo sa pa.



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Tiré de :

www.cybersciences.com

Texte publié en 2010 dans « Nouvelles de Chambave » - Commune de Chambave

Collaborateur de Chambave pour la traduction : **Rita Vuillermoz**

La transcription a été soignée par le Guichet Linguistique

Mise à jour de la graphie : octobre 2013